



Infurmaziuns davart la vaccinaziun cunter COVID-19

Il pli impurtant en furma concisa

- Da princip na vegn ina vaccinaziun cunter COVID-19 betg recumandada la primavaira/stad 2023.
- Persunas spezialmain periclitadas pon survegnir ina vaccinaziun, suenter in scleriment individual cun lur media u medi.

Vegn recumandada ina vaccinaziun la primavaira/stad 2023?

Da princip na vegn ina vaccinaziun cunter COVID-19 betg recumandada la primavaira/stad 2023. Quasi tut las persunas en Svizra èn vaccinadas e/u han gi COVID-19. Lur sistem d'immunitad è correspudentamain vegni confruntà cun il coronavirus. La primavaira/stad 2023 vegn il virus probablmain a circular damain. Las variantas actualas dal virus vegnan plinavant a chaschunar plitost levs decurs da la malsogna. Per l'atun 2023 vegn la recumandaziun da vaccinaziun puspè evaluada ed adattada correspudentamain.

Tge vala per las persunas spezialmain periclitadas?

Er a las persunas spezialmain periclitadas na vegni actualmain da princip betg recumandà da sa laschar vaccinar cunter COVID-19. Ellas pon però survegnir ina vaccinaziun, suenter in scleriment individual cun lur media u medi. En il cas singul po la vaccinaziun far senn, perquai ch'ella meglierescha la protecziun cunter grevs decurs da la malsogna per plirs mais. Quai vala independentamain dal dumber da vaccinaziuns che Vus avais gia survegni.

Tar las persunas spezialmain periclitadas tutgan:

- persunas da 65 onns e dapli
- persunas da 16 onns e dapli cun ina malsogna cronica¹
- persunas da 16 onns e dapli cun trisomia 21
- dunnas en speranza

Sch'ina unda d'infecziuns avess da sa mussar la primavaira u la stad 2023, vegniss la recumandaziun da vaccinaziun adattada.

Sche la media u il medi As recumonda la vaccinaziun cunter COVID-19, alura vala:

Mument da la vaccinaziun:

La vaccinaziun cunter COVID-19 po vegnir fatga a partir da 6 mais suenter l'ultima vaccinaziun ubain a partir da 6 mais suenter ina infecziun cun il coronavirus constatada. Ulteriuras vaccinaziuns cun vaccins inactivads pon vegnir fatgas avant, suenter u a medem temp sco ina vaccinaziun cunter COVID-19.

Vaccin:

As laschai vaccinar da preferenza cun in vaccin mRNA adattà a las variantas (bivalent) u cun in vaccin a basa da proteins da Novavax. In'emporta betg, cun tge vaccins che las vaccinaziuns d'enfin ussa èn vegnidadas fatgas. Er ils vaccins mRNA monovalents protegian vinavant bain cunter grevs decurs da la malsogna cun ospitalisaziuns.

Impurtant: Dumnas en speranza, mammas che tezzan sco er persunas cun in sistem d'immunitad fitg flaivel duessan sa laschar vaccinar cun in vaccin mRNA.

Allergias: Sche Vus avais allergias confermadadas cunter cumponentas da vaccins, As laschai cussegliar d'ina allergologa u d'in allergolog.

Pussaivels effects secundars:

Mintga vaccinaziun po chaschunar effects secundars. Savens èn quels flaivels fin moderads e passan svelt.

Tar ils effects secundars frequents tutgan reacziuns al lieu da l'injecziun sco dolurs, cotschnurs ed unfladiras sco er mal il chau e stancladad. Ultra da quai pon sa mussar dolurs da las jugadiras e sintoms generals sco snavurs, sentiment da fevra ubain fevra.

Fitg darar datti effects secundars gravants. Uschia han singulas persunas gi ina greva reacziun allergica directamain suenter ina vaccinaziun. Per exempel ina ferma unfladira, cotschnurs, murdims u difficultads da respirar. En fitg paucs cas han ins observà inflammasziuns dal muscul dal cor u dal pericard entaifer 14 dis suenter la vaccinaziun. La gronda part da questas inflammasziuns èn stadas miaivlas ed han pudì vegnir tractadas bain. Sintoms tipics per ina inflammasziun dal muscul dal cor èn mal il pèz, difficultads da respirar e ferm battacor, per il solit entaifer 2 emnas suenter la vaccinaziun.

Contactai immediat Vossa media u Voss medi, sche Vus avais tals sintoms.

Custs:

Sche Vossa media u Voss media As recumonda la vaccinaziun, alura è quella gratuita per Vus e vegn pajada da l'assicuranza obligatorica da malsauns.

Ulteriuras infurmaziuns

Infoline Coronavirus +41 58 463 00 00

→ www.bag-coronavirus.ch/impfung

→ [Wie funktioniert die Covid-19-Impfung?](#)

→ [Häufig gestellte Fragen \(FAQ\) \(admin.ch\)](#)

¹ La glista detagliada da las malsognas chattais Vus sut:
Kategorien besonders gefährdeter Personen